



Zur Publikation im Amtsblatt Mittelbünden (Pagina, Pöstli und Novitats) vom Donnerstag, 14. Januar 2016, bzw. Freitag, 15. Januar 2016

Publicaziun uffiziala digl cume gn d'Albula/Alvra

ALBULA/ALVRA

www.albula-alvra.ch

Infurmaziuns dalla suprastanza communal digl cume gn d'Albula/Alvra:

Otgover anfignen december 2015

- La suprastanza communal ò examino e lubia diversas dumondas da biagier.
- La suprastanza communal ò piglia cunaschienscha digl stadi actual an connex cun l'installaziun digl register funsil federal. A Mon ed a Surava mantgan anc las incumbensas per igl ulteriour territori communal. La suprastanza communal ò concedia en credit da total 140'000.00 fr. per las lavours necessarias.
- La suprastanza communal ò discuto pertutgont igl contract digl Consorzi da scopo dalla Serenera a Casti ed approvo tal siva d'igl aveir repasso.
- La part nord digl God da Laresch, tgi è neida extradeida scu gôt cun ena funcziun da schurmetg digl tip A, demossa en grond basigns da recuperaziun. Per tgi ena transposiziun economica dalla tgira da gôt vigna pussibilitada, duess igl gôt neir equipo cun ena veia da gôt adequata. La suprastanza communal ò approvo an chel connex l'elaboraziun d'en prestudi.
- Pertutgont l'elaboraziun dalla lescha da tariffas per la procedura dalla lubientscha da biagier ègl nia discuto da radagn e delibero per mangs dalla radunanza communal.
- La suprastanza communal ò decidia da sa participar cun 50% ve digls costs dalla carta da staschung per unfants digl cume gn d'Albula/Alvra per l'utilisaziun dalla skatline Albula a Surava.
- A caschung dalla radunanza communal digls 9 d'otgover 2015 on votants e votantas digl cume gn d'Albula/Alvra approvo igls novs statuts dalla Regiun Albula. Chels preveian tgi la direcziun d'ena scola da cant e musica saptga neir surpigeida dalla la regiun, e surdada alla Regiun Albula antras ena convignientscha da prestaziun.

- La suprastanza communalà ò surdo l'incumbensa digl menaschi dalla deponia „Pro Quarta“, tenor valetaziun dallas offertas inoltradas.
- L'ustareia Avant Porta a Mon vign affitada puspe a parteir da premaveira 2016. Igls fittadigns porschan ena „cuschigna talianga“.
- Igls rendachints 2014 digls set cumegns uriunds èn nias examinoss intensivamaintg e deliberos per mang dalla radunanza communalà.
- La suprastanza communalà ò delibero en credit da 34'000.00 fr. per l'erecziun d'ena lengia da cabel ainten rols tranter igl luvratori communal a Casti e la punt dall'Alvra (Viglia veia Gelgia). Igl cantun sa participescha cun radond ena terza digls costs.
- Per utilisar igls indrezs dalla lengia da cabel per la lengia datas digl cantun on savia neir saros giu contracts da locaziun correspondents.
- La suprastanza communalà ò concedia en credit da 5'650.00 fr. per la sanaziun digl tschiffaballas digl indrez da sagettar da Mot-Stierva. Alla fegn digl 2016 duess igl contract existent neir dissolvo prematuradamaintg, an consentimaint vicendevel.
- Siva dalla publicaziun dall'ordinaziun da traffic, ò la suprastanza communalà relaschea la suandonta restricziun da traffic sen igl territori digl cumegn d'Albula/Alvra sa basond agl art. 7 aliena 1 e 2 dalla lescha introductiva alla lescha federala davart igl traffic stradal EGzSVG: Stop, signal Nr. 3.01
 - Alvagni Bogn, an vischnanca, sbuccada dalla veia digl Bogn ainten la Veia digl Alvra
 - An fatscha dalla sbuccada vign plazzo en spievel da traffic.
 Chella decisiun è neida publitageida aint igl figl uffizial.
- La suprastanza communalà ò statuia ena cumischung per las lavours vegnentas an connex cun l'elaboraziun d'en regulativ d'alp, - pastgiras e - prada. La cumischung exista d'abitants digls set cumegns uriunds.
- Las lavours per la „Revisiun totala dalla planisaziun Albula/Alvra“ on savia neir surdadas siva d'en'examinaziun minuztgousa dallas offertas inoltradas
- La suprastanza communalà ò piglia cunaschientscha digl stadi digl plan general d'allontanamaint d'ava (PGAA/GEP) fasa I e II scu er digl concept/preproject III. Igls rendachints dallas fasas I e II on savia neir inoltros a taimp agl cantun. Per l'elaboraziun digl preproject fasa III è nia approvo en credit total da 76'000.00 fr.
- Igl contract da furniziun d'energeia cun las ovras electricas da Turitg ewz tgi corra anfignen la fegn digl 2016, è nia ramplazzo antras en nov contract da furniziun d'energeia anfignen la fegn digl 2017. Alla fegn digl 2017 scroda ultra da chegl igl contract da furniziun d'energeia tranter las OE da Tavo e digls cumegns d'Alvagni e Surava cun las Ovras electricas Albula/Landwasser /ALK.
- La suprastanza communalà ò decida da pussibilitar a tots set cumegns uriunds la retratga da forza electrica ecologica. Tottas casadas vignan infurmadas cun en avis correspondent.

- Tenor art. 5 dalla lescha d'indemnisaziun alinea 2 digl cumegn d'Albula/Alvra fixescha la suprastanza igl pensum digl mastral (dimensiun da 30% bis 50%). Sen fundamaint dallas cunaschientschas d'anfignen ossa, ò la suprastanza communal fixo igl pensum digl mastral per igls onns 2015 e 2016 sen 40%.

Radunanza communal digls 16 da december 2015

- La lescha da taxas per igl proceder da lubientschas da biagier è neida acceptada digls votants. Ella aintra an vigour, siva dalla scadenza digl termin digl referendum, per igl 1. da schaner 2016.
- Per igl preproject da survegliaziun e preavertimaint 2016 – 2019 aint igl territori da bovas e ruttitschs a Brinzauls è nia concedia en credit brut da 250'000.00 fr.
- Tot igls rendachints digls set cumegns uriunds èn nias approvos „an globo“.
- Igl preventiv 2016 digl cumegn d'Albula/Alvra tgi prevei en surple d'antradas da 402'100.00 fr., è nia approvo unanimamaintg.
- Igl pe da taglia 2016 è nia laschea sen 100% dalla taglia simpla digl cantun, analog agl 2015.
- La regulaziun d'anfignen adacò davart la compra da taragn da persungas digl exterior è neida mantigneida.

Quota per la vendita d'ena surbiageida complessiva	100%
Objects singuls da vendaders svizzers (EO)	ea
Midadas d'abitaziuns da sagonda manga ester/estra ad ester/estra	ea

La suprastanza communal